

丹正

金

圖像

卷陸

大正



金丹正理大全金丹大要圖像歸源卷第八

太極圖



形如鷄子

陰

陽

未分

陰陽未分

太極分判圖



一陰一陽之謂道黑

而濁為陰白而清為

陽太極者陰陽之本

始天地者陰陽之形體

先天太極圖 後天太極圖




陰太極而生陽

顛倒用之成丹

陽太極而生陰

五行順而成人

金丹九還圖 金丹七返圖



陰陽相交

水火既濟

黑中有白

體變純乾


太極順逆之圖

逆




逆則生丹

順



萬物化生

金丹五行之圖



天一生水。水中真陽之炁為黑鉛。鉛乃五金之祖。金正位居西。不曰金而曰銀者。象山之色白也。金本生水。修丹之士。却於坎中取金者。以母隱子胎故也。此二生火。火中真陰之精為黑汞。汞乃朱砂之父。汞正位居東。不曰木而曰汞者。即震宮之木液也。木能生火。修丹之士。却於離中求木液者。以弦氣所在故也。

清濁動靜之圖



大道生一炁。一炁中分陰陽。陰濁而陽清。唯黑而雄。白而雌。守其雌。故經云。清者濁之源。動者靜之基。人能常清靜。天地悉皆歸。泥丸云。我昔工夫。行一年。六脉已息。炁歸根。如今通身是白血。已覺四季無寒熱。紫陽云。黑白相扶。是水金丹。陽子曰。乾坤為體。却歸坎中之白。以還離。故云金丹。

寶珠之圖



寶珠一顆。初產於蚌胎之中。養護於驪龍之領。世尊得之。號曰牟尼。天尊得之。號曰黍米。大脩行人。要知此珠。端的即是坎離。既濟之一點也。與天地合德。日月合明。白牟尼珠者。龍女所獻也。曰元始懸一珠者。海蚌取之也。曰如意珠者。梵女所配也。曰火珠者。驪龍領下之物也。凡世之珠。雖徑寸可玩。而有價。此珠雖至微。不可玩。不可見。而無價之寶也。

圖之卦八丹金

離

☲
名曰黑汞
陽中孤陰

☱
名曰白鉛
陰中孤陽



☳
名曰木火
陰中孤陽

☱
名曰金水
陽中孤陰

☱
名曰白鉛
陰中孤陽

坎

圖之象四丹金

☲



☽

☼

☱

日月迺乾坤之精。離
坎乃陰陽之用。以乾
坤為器者。取日月
之精也。以陰陽為爐
炭者。會坎離之炁也。
丹法顛倒為地天泰。
丹道翻覆為水火既
濟。經曰：日居離位。翻
為女。坎配蟾宮。却是
男。不因師指。豈事難知。

金丹八卦圖說

卦者像也。有體則必有用。有變則必有合。以艮為體者。則以坤為用。以震為體者。則以兌為用。易曰。西南得朋。乃與類行。猶離以坎為用也。修金丹者。取金於兌。而兌為白虎。專以食啖為心。其害人傷物為不少。若能制御震宮之青龍。則自能降其虎矣。夫金丹者。只要降得白虎一物。餘皆易事耳。夫兌金生于坤。而代坤行道。乾金生于兌。初因撲散乾。迺寄金于坎。號曰黑鉛。取兌金于坎者。毋隱子胎也。釋云。一口吸盡西江水者。此也。

形物相感之圖



形物相感圖說

老君曰。內觀其心。心無其心。外觀其形。形無其形。遠觀其物。物無其物。三者既悟。惟見於空。釋氏云。乾坤之內。宇宙之間。中有一寶。秘在形山。又曰。吾有一物。上拄天。下拄地。諸人還識麼。易曰。形而上者。謂之道。又曰。男女媾精。萬物化生。二教修行。不離形物。故丹陽翁云。遠把。我人山放倒。急將龍虎穴衝開。伯陽翁云。耳目口三寶。閉塞勿發。通真人。潛深淵。浮游守規中。領悟到此。方知龍虎之形。龜蛇之物。皆從人身中而有。非此二物。不能交結聖胎。至妙毋忽。

明

鏡



紫陽丹房寶鑑之圖

陽三壯精
神門



真土

土無正形
生真土金
披大還丹

狀

若明葱塵
若黍米
若玄珠

陰三乳氣
血



曾青成數八

雨青東二甲

三窈真崑崙成數七震龍木

金鳥火龍日魄烏肝赤砂

火午表日土朱雀

柔二南赤日

剛一北黑月

水子裏戊上玄武

三玉兔金虎月魄兔髓黑錫

二恍惚曲江成數六兌現金


風白西四庚

白錫成數九

之

金丹大要卷之八

圖



懸胎鼎



鼎周圍一尺五寸。中
虛五寸。長一尺二寸。
狀似蓬壺。亦如人之
身形。分三層。應三才。
鼎身腹通直。令上下
平等。均勻。入爐八寸。
懸於竈中。不着地。懸
胎是也。又謂之朱砂
鼎。張隨註云。又名威
光鼎也。

鐵牛




滿庭芳

真鐵牛兒。形容醜惡。性剛偏
好爭馳。人人皆有。那箇解牽
騎。種就黃芽。滿院更須用神
水澆之。中宮裏若無此。豈得
結嬰兒。

乾坤真動靜。生成家活。總賴於
伊。飢食虎髓。渴飲銀池。夜半牽
車進火。霞光迸海底。騰輝牧童
咲華池。宴罷乘箇月明歸。

偃月爐




爐面周圍約一尺二寸。明心橫有一尺。立唇環匝二寸。唇厚二寸。爐口偃開。鑄釜。又如仰月狀。故名偃月爐。張隨註。又名太乙神爐。

汞

紫金霜	赤赫金丹	刀圭	真鉛	金丹	參	玉液	白雲	浮	丹基
真黃芽	龍虎大藥	七返	大藥	火丹	妻	神水	碧眼胡兒	陰火白	黑龜精
真陰陽	金液還丹	玉靈丹	嬰兒	內丹	臣	姪女	青衣女子	賓客	陽中真陰
真玄牝	玉液還丹	紫金丹	谷神	還丹	水銀	玄女	東海青龍	種子	下弦銀半斤
真父母	九還丹	絳雪丹	聖胎	神丹	流珠	木液	交梨	天塊	

已上汞之異名

紫清金丹火候之訣



真火本無候

楷發乾坤造化來
手搏日月煉成灰
金公無言此女死
黃婆不老猶懷胎

鉛爐慢養真金液

土金先乾活水銀

大藥不計斤


汞心煉神亦龍性
鉛身凝靈亦虎命
內外渾無一點陰
萬象光中玉清境

鉛

真龍虎	真種子	真主人	真鉛汞	真一
宇宙之主	秋石	河車	金公	金妃
陽丹	金陽君	黃男	三五	羨金花
摩尼珠	白馬牙	水中金	玉蕊金砂	神符白雲
龜精鳳髓	日魂月魄	壺中日月	先天地精	太乙金真炁
商	夫	君	金液	金華
玉池	華池	嬰兒	黃男	金精
黃芽	白頭老子	素練即君	西山白虎	火藥
沉	黃芽鉛	主人	父母	地魄
丹母	赤鳳髓	陰中真陽	上弦金八兩	

已上鉛之異名 金丹太要卷八之十一

林神鳳金丹法象投壺圖



訣曰：金瓶投木箭，氣穴引神歸。形端者，機籌善發揮。若知此訣，即惟精惟一，執吸中之道也。

丹法叅同八十訣之圖

- | | | | | | |
|-----|------|------|------|------|------|
| 一採藥 | 收拾身心 | 七沐浴 | 洗心滌慮 | 十三三天 | 暮採朝液 |
| 二結丹 | 氣凝聚 | 八丹砂 | 有無交入 | 十四交媾 | 念念相續 |
| 三烹煉 | 金液煉形 | 九過關 | 果生枝上 | 十五大還 | 對景無心 |
| 四固濟 | 忘形 | 十分胎 | 蟬到成形 | 十六聖胎 | 蟄其神 |
| 五武火 | 奮迅精神 | 十一溫養 | 神明白來 | 十七九轉 | 火候足 |
| 六交火 | 溫溫不絕 | 十二隱危 | 一念外馳 | 十八換胎 | 子文生孫 |
| | 綿綿若存 | | 火候差失 | | 千百億化 |
| | 法除雜念 | | | | |
| | 奮迅精神 | | | | |
| | 忘形 | | | | |
| | 金液煉形 | | | | |
| | 王符保身 | | | | |
| | 氣凝聚 | | | | |
| | 念不動 | | | | |
| | 有無交入 | | | | |
| | 果生枝上 | | | | |
| | 蟬到成形 | | | | |
| | 神明白來 | | | | |
| | 一念外馳 | | | | |
| | 火候差失 | | | | |
| | 奮迅精神 | | | | |
| | 忘形 | | | | |
| | 金液煉形 | | | | |
| | 王符保身 | | | | |
| | 氣凝聚 | | | | |
| | 念不動 | | | | |
| | 有無交入 | | | | |
| | 果生枝上 | | | | |
| | 蟬到成形 | | | | |
| | 神明白來 | | | | |
| | 一念外馳 | | | | |
| | 火候差失 | | | | |

天地先生曰天地先生東吳人也

萬般作用盡狂圖 獨有金丹可入壺

識得不空無有理 脩真方不費工夫

仙派

太極先天老子

妙無天帝太極之初出生三炁為玄元始始炁化生
先天老子自爾以來先天老子乃以玄炁時時而不
生

萬法天師 初三皇時出 有古大先生 中三皇時出

欒華子 後三皇時出 大成子 伏羲時出

廣成子 隨應子 軒轅時出

赤精子 少皞時出 錄圖子 顓頊時出

務成子 高辛時出 尹壽子 堯時出

真行子 舜時出 錫則子 禹時出

古邑先生 成湯時出 籛籛 商容

先天老子雖是世世化度而未顯誕生之跡迺於商十
八王陽甲時寄胎於玄妙玉女身中八十一年方於武
一庚辰年二月十五日卯時降誕指李為姓也

後聖玄元太上老子

文始先生尹喜 瞿曇古佛

太和真人尹執

釋迦文佛

太極真人杜冲

摩訶迦葉

太清真人彭宗

西天二十七祖

太清真人宋綸

初祖達磨

西嶽真人馮長

二祖惠可

玄洲真人姚坦

三祖鏡智

八素真人周亮

四祖道信

太極真人尹登

五祖大滿

黃庭真人王琮

六祖大鑒

西嶽仙鄉李翼

清源行思

河上公丈人

南嶽懷讓

金碧劉真人

馬祖道一

安期生真人

石頭希遷

馬明生真人

天皇道悟

陰長生真人

龍潭崇信

徐從事真人

德山宣鑑

魏伯陽真人

感潭資國

老祖天師張道陵

雪峰義存

左玄真人王長

岩頭存活

右玄真人趙昇

玄泉彦

東華帝君王玄甫

黃龍誨機

正陽帝君鍾離權

太極仙翁葛玄

純陽帝君呂巖

抱朴真人葛稚川

海蟾帝君劉操

丹陽真人鄭思遠

重陽帝君王嘉

嶽山長英先生藍養素

丹陽真人馬鈺

紫陽張真人張伯端

長真真人譚處端

杏林真人石泰

長生真人劉處玄

紫賢真人薛式

長春真人丘處機

泥丸真人陳楠

玉陽真人王處一

海瓊真人白玉蟾

太古真人郝大通

鶴林真人彭耜

清靜元君孫不二

紫虛真人蕭廷之

黃房公披雲真人宋有道德方

太虛真人李珣

紫瓊真人張模君範

綠督真人趙友欽

上陽子陳觀吾

鍾呂二仙慶誕儀

祖師姓鍾離字雲房諱權四月十五日生辰預於十

四日同呂仙醮稱賀祖師姓呂字洞賓諱巖客祖居

西京河南府滿柘縣永樂鎮人氏伯父四人溫恭謙

讓讓仕唐辟海寧州刺史因家焉洞賓生於唐天寶

十四年乙未四月十四日巳時幼而聰敏三舉方第
授江州德化縣令因縱步遊廬山遇鍾離翁授天仙
劍法又十試而授金丹大道續得崔真人入藥鏡火
候秘旨脩行成道

序班 法事 洒淨 行香

恭聞時維四月宜首夏之清和卦滿六陽喜純乾之中

正際聖師誕生之日申後人朝賀之誠清衆同馨香花

奉請 舉香花請 謹恭拜請

先天道祖太上老君 三教得道先聖先師

支始天尊尹真人 太和尹真人 太極社真人

太清彭真人 太清宋真人 玄川姚真人

八素周真人 太微尹真人 黃庭王真人

西嶽李僊卿 河上翁丈人 安期生真人

馬明生真人 陰長生真人 徐從事真人

伯陽魏真人 劉金碧真人 三天大法師

玄中大法師 左玄王真人 右玄趙真人

太極葛僊翁 九州都仙太史 吳黃十位真人

恭望僊慈降臨醮位 謹恭拜請

祖師東華紫府輔元立極大帝

正陽開悟傳道主教帝君

純陽演正警化孚祐帝君

海蟾弘悟明道帝君

重陽全真開化輔極帝君

恭望僊慈降臨醮座

謹恭拜請

祖師丹陽抱一無為普化真君

長真雲水凝神玄靜蘊德真君

長生輔化宗玄明德真君

長春全德神化明應主教真君

平陽體玄廣慈普度真君

太古廣寧通玄妙極真君

清靜淵真玄虛順化元君

恭望僊慈降臨醮座

謹恭拜請

祖師天台悟真紫陽真人

杏林石真人

道光紫賢真人

泥丸翠虛真人

海南紫清真人

恭望僊慈降臨醮座

謹恭拜請

祖師黃房公真人

披雲宋真人

太虛李真人

紫瓊張真人

緣督趙真人

谷雲劉真人

上陽陳真人

古往今來修真學僊得道一切聖賢

恭望僊慈降臨醮座

向伸啟請諒沐光臨仰冀迂留納茲敢敬今遇純陽之
端且庸伸朝賀之愚忱

夫燭者一點之靈光古今不少十方之世界幽顯皆通
不知者以爲火傳其知者是云性慧使暗室萌心而知
懼返照迴光信天堂有路而可登超凡入聖再拜致恭
上進壽燭

法事

夫香者粵從太古之初一枝挺出冀待三皇之後幾劫

流芳下愚有鼻而無聞上士固香且而分臭如聖師之稔
土處處芬芳以道德而強名人人受用再拜上進壽香

法事

夫茶者先春雀舌谷雨鎗旗樹蠟眼湯白花浮於碗面
酌龍泉水僊風引於蓬萊盧同七碗而通僊靈趙州一
甌而參佛性提醒渴睡漢發明矇矓僊再拜進茶

法事

夫酒者天垂甘露地湧醴泉上味醍醐飲者長醒而不
醉聖人糟粕得之以有而歸無一口吸西江容顏不老
三杯通大道法体常存再拜致恭上進壽酒

法事

誦心印經

三十二品功德經

具有稱賀表文謹當跪奏

鍾離祖師賀表

大道弟子某今月十五日恭逢

祖師鍾離正陽帝君毓瑞之辰預向今辰十四日謹奉
表稱賀者

右伏以道尊德貴仰萬代之師繩陰盡陽純際高仙之
壽日月圓天上瑞霽人間某頓首再拜恭惟

祖師正陽開悟傳道主教帝君自本自根先天先地把
乾坤爲鼎器煉坎還離捉烏兔爲藥材降龍伏虎道超

太極恩溥群生劫劫長存人人受度由純陽海蟾重陽
繼受之後列聖心心暨丹陽長春景陽接濟以來爲衆
父父功非言辭之可頌仁與造化之相侔某凡骨未靈
冥心於道幸蒙師旨玄牝乃天地之根詳在丹書精炁
是陰陽之本華池神水號曰乾金土釜流珠是名木汞
兩弦合體十月懷胎所切者妙用霎時最難者真靜應
物况首經至寶言之甚危而雄虎寡情爲之深恐茲因
朝賀并述危難仰冀慈悲俯憐微賤與安身於方便俾
入室以無魔仙家日月長又何待塵凡之祝頌他年功
行滿尚全依師匠之陶成次期上士賢良俱明至道迷

愚誑誕悔發信心。酥酪成河。提醐灌頂。土皆碧玉。地遍黃金。干冒師真。不勝戰汗。謹具表稱賀以聞。某誠懼誠忻。頓首稽首。再拜謹言。

天運某年四月十四日大道弟子某賀表

又舉純陽祖師賀壽表文謹當跪奏

大道弟子某今日十四日恭遇

祖師純陽帝君降誕。今辰謹具表恭伸朝賀者。

右伏以節屆純陽。月先圓於此夜。天鍾元炁。行已滿於多年。宇宙騰懽。仙凡稱壽。某頓首再拜。恭惟

祖師純陽演正警化孚佑帝君道高千古瑞粹群靈內

觀其心。外觀其形。故得全形之與。有以觀竅。無以觀妙。

咸歸衆妙之門。挹水源之至清。煉金丹而早就。青蛇袖

裏過洞庭而朗吟。黃鶴樓前隱市塵。而吹笛戲執中。而

曾化仙女爲圖。南而幾到華山。跨青牛而入洞天。騎白

鹿而過滄海。高證帝君之位。功亘古而亘今。廣傳道德

之真派。自南而自北。公欲濟世。而人不識我。欲求公而

緣未諧。伏念某莫明玄牝之旨。歸幸遇真師之盟。授乃

悟道非言顯。方知事屬心傳。當求八兩之乾金。先盟賓

主。仍運半觔之木汞。配合陰陽。煉做一團。守成十月。靜

聽龍吟。而虎嘯。毋使水乾。而大寒。得正於斯。爲之甚恐。

忙忙罔措。汲汲忘食。倘蒙慈憫而獲。歛刀圭。活此衰殘。而孰知火候。雖無可報。所待好生。茲幸際於昌時。但忻逢於瑞旦。敢陳凡悃。遙拜仙手。諒尊居天上之糾司。想垂憐於末學。不淑人間之祝頌。因以訴於衷情。冀陰相於凡軀。俾早收於藥物。採首經之至寶。內外不愆。煉一炁之先天。始終盡善。更無魔障。會見心靈。便下手以速修。夫誰不愿。與安身於方便。作事易成。次期上士賢良。俱明至道。與前同尾。

具有證明文疏恭對敷宣

大道弟子某。今日十四日恭遇

祖師純陽帝君瑞誕。今日十五日。恭逢

祖師正陽帝君瑞誕。謹修香燭。以今辰十四日。具表同申朝賀。茲已周圓。仰蒙高仙眾聖。同賜印明。虔貢楮財。敬殫歸謝。祈保學道無魔。修仙者分。仰于慈憫。陰佑危難。俾入室而功成。不差火候。早照胎而神化。高揖仙班。次期上士賢良。俱明至道。迷愚誣誕。悔發信心。酥酪成河。醍醐灌頂。土皆碧玉。地遍黃金。正千冒師嚴敷宣。同既

右謹具疏頓首拜上

先天道祖太上老君

三教得道先聖先師

文始先生尹真人

如益則寫聖位排列無增減

送神文

向來情悃。冒瀆聰明。仰冀矜憐。廣開接引。屈仙旆而來。降於塵寰。凌競罔措。返真遊而益修。歸於蓬島。攀戀惟勤。茲當拜送之期。負此虛名之愧。以聞獨自行。獨自坐。姓名還動帝王心。無人會。無人知。詩句宣傳卿相耳。凡夫肉眼知多少。金丹一粒定長生。迴回相見不無緣。衷情欲訴。舉世盡皆尋至道。此事難知。下手速修猶大遲。世間誰是能行者。此身已出三千劫。昔尚贈於張僧。許我同遊五帝鄉。今願憐於凡骨。莫道凡流空命薄。乞與貧儒換骨丹。其人已在玉清遊。劍橫雙水岸。先生去後應

老身在太羅天來無形去無蹤。糾司天上神仙籍。聽不聞視不見。臣事本皇歸太清。冒瀆惟深一心拜送。

化財 撤席

仙派源流

東華帝君



姓王不知其世代名號或云名玄甫得老子之道後隱
崑崙山復居五臺山紫府洞天自稱少陽帝君於終南
山凝陽洞以道授鍾離

六月十五日生十月十六日上升



正陽帝君



姓鍾離名權字雲房號正陽子京兆咸陽人仕漢為將軍因兵失利入終南山遇少陽帝君授以至道隱晉州羊角山道成天帝封號太極左宮真人乃速雙髮髻衣擗葉自稱天下都散漢有詩行於世後於灋水以道授純陽

四月十五日生五月十八日上升

正陽

純陽帝君



姓呂名巖字洞賓號純陽子祖居西京河南府蒲柘縣
 未樂鎮招賢里今日蒲州蒲坂縣生於天寶十四年四
 月十四日巳時一云生唐德宗真元丙子從父海州刺
 使因家焉以科舉授江州德化縣令因縱步廬山遊澧
 水之上遇正陽授道至今在世天帝頒詔為九天採訪
 使五月二十日奉詔有詩云糾司天上神仙籍之句就
 以此日為上升有詩詞名渾成集行於世以道授海蟾
 重陽

四月十四日生五月二十日上升

唐呂五

海蟾帝君



姓劉名操字宗成號海蟾子改名玄英燕山人士遼爲
宰相遇純陽即解相印佯狂遠避於秦川純陽授以丹
道乃作詩云拋離火宅三千口屏去門兵百萬家後成
道遁迹於終南山太華之間以金丹授董凝陽張紫陽
十月十四日生六月十五日上午

處素

重陽帝君



姓王名中孚。字允卿。又易名世雄。字德威。後入道改名嘉字。知明號重陽子。咸陽大魏村人也。宋徽宗政和二年壬辰十二月二十二日生於終南縣甘河鎮。遇純陽授口訣。有詩曰。四十八上始遭逢。之句。明年庚辰醴泉再遇。復得金丹之道。乃得穴居修行。名活死人。墓又與和王瞻李靈陽結庵而坐。初有史處厚劉通微嚴處常相繼受道。後於其麻東出關抵海寧州。以金丹之道授與丹陽。又授丘長春譚長真孫不二王玉陽劉長生郝太古。乃以純陽所授秘訣五篇盡付七人。有全真前後集。韜光集。雲中集。分梨十化說行于世。

十二月二十二日生正月初四日上升

王處正

丹陽真君

姓馬名鈺。字玄寶。號丹陽子。先名從義。字玄甫。寧海州人。生金太宗天會元年癸卯。即宋徽宗宣和五年也。五月二十日生。家富。號馬半州。娶孫氏。生三子。曰庭珍。庭

瑞庭珪大定七年丁卯重陽至因食瓜從蒂起怪而詢之重陽曰香從臭裏出甜向苦中來復叩云何名道重陽曰五行不到處父母未生前乃請歸家師之戊子歲以家事付三子而出家重陽以所得純陽金丹祕訣五篇授之并口授其訣遂頂三壘而修行成道因分梨十化多受辛苦時求道者有李太乘趙蓬萊韓清甫等宋披雲得師金丹之秘旨乃先成道有金玉集漸悟集行化集成道集圓成集精微集及語錄一集皆行于世七真之內多師之

五月二十日生十二月二十二日上升

長春真君

姓譚名處端字通正號長真子寧海州人初名玉字伯玉生金太宗天會元年癸卯三月初一日中年患痺師事重陽每日重陽以盥餘令以洗面久而疾愈乃授以道以宿業重因遇醉徒毆擊折齒流血師皆不問丹陽聞曰一拳消盡多生業道成有詩後句云湧出陽神獨自歸書畢而逝異香滿室者數日有水雲集行于世

三月初一日生四月初一日上升

長生真君

姓劉名處玄字通妙號長生子東萊武宮莊人生金熙

宗皇統七年丁卯即宋高宗紹興十七年七月十二日生。大定九年即宋孝宗乾道五年師重陽道成於宋寧宗癸亥嘉泰三年二月初六日鳴鼓集衆曲肱而逝有仙樂太虛盤陽同塵安閑修真文集六卷乃道德註陰符演黃庭述留于世。

七月十二日生二月初六日上升。

長春真君

姓丘名處機字通密號長春子登州棲霞縣濱都人。生於金熙宗皇統八年戊辰即宋高宗紹興十八年正月十九日生。二十歲師重陽。二十七歲乃入磻溪穴居修

行三十二歲復居隴州龍門山苦行如磻溪時道成之後四十二歲赴金世宗召謁六十二歲齊魯入于宋寧宗召師不赴六十五歲赴成吉思皇帝召見詳見慶會錄對策禳災救旱等事烏元朝功臣有磻溪鳴道集西遊記行于世丁亥歲七月初九日師升堂示衆以生死事留頌坐化。

正月十九日生七月初九日上升。

玉陽真君

姓王名處一字玉陽號全陽子寧海東牟人。生金皇統二年壬戌二月初十日師重陽受道居雲光洞志行確

苦道成大者神異度人逐鬼踏盜碎石出神入夢召兩
撼峯京雞降鶴起死嘔枯金世宗聞其名召對大副辰
秉嫉者飲之鶴歸入水涸而不死有靈光集要異錄
行於世

三月十八日生四月二十二日上升

廣寧真君

姓郝名大通字太古真人號廣寧子寧海人生金熙宗
天眷三年庚申正月初三日生巨富師重陽初名璘號
恬然子雖入道而志不苦勵長真玉陽勸激之後至岐
山遇神仙授與金丹口訣為改名號遂遊趙魏間修行
道成留頌而逝有大古集心經般若經解太易圖及示
教真言行於世

正月初三日生十二月三十日上升

清靜元君

姓孫名不二號清靜散人寧海人也生宋徽宗宣和元
年己亥正月初五日生父孫忠顯俾適州之馬宜甫生
三千重陽至以分梨十化宜甫夫婦悉棄家事出家學
道後元君居洛陽風仙洞修行夫婦每日相激勵俱成
道有詩詞行于世

正月初五日生二月二十九日上升

黃房公

姓宋名有道字德芳號黃房公沔陽府人氏行諸階法無雲則能以符而行雲有雲則能披雲而見斗故時號披雲真人一日遇丹陽授以金丹火候祕訣行之兩年能二其身弗死因遊東海適皇元太祖成吉思皇帝召長春立師升時公與十八人爲之輔行公爲首焉世祖皇帝封通玄弘教披雲真人武宗皇帝加封通玄至道崇文明化大真人後以至道授太虛李真人而黃房公莫知所終或云在燕之長春觀坐逝

太虛李真人

姓李名珏字雙玉蜀之崇慶州人既得黃房公金丹之道改名棲真號太虛即往邵武之武夷潛修金丹七箇月而道將成乃回途道經龍虎山先夕雪壇有夢真人至者時久旱祈禱弗應次日真人果至衆皆弗知惟夢者見一貧道人來曰是此人也衆請祈雨應時霽沛而去至真州玉虛庵結環而坐後出寰以道授張紫瓊既而囑曰金丹宜潛修大道當人授後入青城山莫知所終

五月初十日生八月十五日成道

紫瓊真人

姓張名模。字君範。饒州德興人也。後聞道改名。道心初
太虛真人。偶寓安仁熙春宮。累瓊求授金丹。太虛弗與。
繼而適市。因見施丐錢三十文。乃曰。可授已。遂以金丹
之道付之。次年復會真州。始全火候。紫瓊既聞。真要後
以至。道授于緣督子。趙君乃即隱去。

十月初二日生。十二月二十五日成道。

緣督真人

姓趙名欽。字緣督。統郡人也。爲趙宗子。幼遭劫火。早
有山林之趣。極聰敏。天文經緯地理術數莫不精通。及
得紫瓊師。授以金丹大道。乃搜群書經傳。作三教一家。

之文名之曰仙佛同源。文作金丹難問等書。行于世已
口之秋。寓衡陽。以金丹妙道授上陽子。

六月十八日生。

金丹正理大全金丹大要圖像源流卷第八終

金丹正理大全金丹大要越格卷第九

與王祥翁

淨保保赤洒洒。是一大事因緣。是箇見成公案。有大力
量。密宗神通立極。造端撐天拄地。迥超宇宙。獨耀古今。
無始以來。靈光不昧。窮劫之際。真性長存。上聖至人。高
仙諸佛。由此施設。由此儀形。所以道三世諸佛也。恁麼。
彌勤下生也。恁麼。七佛以前也。恁麼。七佛以後也。恁麼。
西天四七也。恁麼。唐土二三也。恁麼。歷代佛祖都恁麼。
且道。古人千般計較。都不會安名。也不肯立字。唯換作
恁麼。子細看來。無頭無尾。無背無面。總只是恁麼了也。

自從達摩西來。至于漕溪單提別唱。而後天下叢林偉器。以恁麼事話會不少。就中便無一人肯爲他標箇名目。若是箇大善知識出來。或者脫却娘生袴子。未舉先知。若是鈍根。都教他向人前句裏說心說性。尋箇本來認影認光。竟無落處。到老破賺。却去怨祖怨佛。此輩可深惜哉。上陽子只得不惜舌頭。爲他前聖後聖說出極到之處。具道如何是恁麼底。當知這恁麼。即是那淨像。保赤洒洒底。天下後來都認得那保赤洒洒。即是恁麼事也。則知父母未生以前也。恁麼保赤洒洒。父母既生以後也。恁麼保赤洒洒。一大事因緣也。恁麼保赤洒洒。

這見成公案也。恁麼保赤洒洒。只今箇樣分明說了。後之人纔舉目看。便知保赤洒洒。即恁麼。恁麼底。恁麼。即保赤洒洒底。夫復何疑。豈不道昔日摩耶夫人。左手攀枝。釋迦老子。右脇降誕。九龍吐水。沐浴金軀。便迺周行七步。目顧四方。一手指天。一手指地。作大獅子吼云。天上地下。惟我獨尊。一場話。古今禪林舉揚者多也。有作實事看去也。有作靈迹看去也。有作怪異看去也。有作話會看去也。今若不曉露箇消息。把那釋迦老子。只容易看過了。將來孰肯承當。且道摩耶夫人。左手攀枝。釋迦右脇降誕。豈不是他離了生死岸頭底。九龍吐水。

沐浴金軀。豈不是那恁麼淨。裸裸赤洒洒底。周行七步。目顧四方。豈不是帽堂堂。顯露底。一手指天。一手指地。豈不是八字打開。中有箇見成公案。作大獅子吼云。天上地下。惟我獨尊。豈不是一大事因緣。人中最爲第一。點檢將來也。是好中不足。暗裏藏刀。後來雲門道我。當時若見。一棒打殺。與狗子吃。貴圖天下太平。雲門拳拳奉揚宗旨。只得恁麼罵佛。唱祖及後。國悟云。釋迦把斷要津。雲門知恩解報。他豈不知釋迦無伴無侶。是以雲門特恁欺主。國悟深知家醜。却又白日叫鬼。且似這般話頭。是障礙底。是方便底。若謂障礙。是瞞你了。若云方

便目前便見。是臨濟云。赤肉團上有箇無位真人。常從諸人面前出入。豈不直指了也。一切常人暗裏摸索。是又不是。他器識底。直下便知。那無位真人。即是恁麼淨。裸裸赤洒洒的。古聖云。性由自見。命待師傳。若本分底。有箇真實方寸之下。真常獨露。全体便見。何必又待許多詮註。便知淨。裸裸是真佛性。赤洒洒是真佛性。一大事因緣。恁麼見成公案。無非是真實佛性底。莫道釋迦老子有此一件大事因緣。各各常人分上。皆有如是。一大事因緣。元不缺少。盡乾坤大地。一時收來。雲門出世也。道一句不得。國悟再生。也不敢擬議于此。處便知性。

是自家底。世人如何瞞得自家。方知道性由自見。若到這田地。深深密密。儘他紫風沙起。滄海塵飛。須知淨保。保底。如如不動。那赤肉團上。穩穩當當。儘他萬死萬生。須知這赤洒洒底。如如不動。此爲不落窩臼。不迷境物。磨睡到臘月三十夜。孤燈自照。忽聽漏盡鐘鳴。又說新年佛法去了。豈不是大解脫。大光明。不迷生死岸頭。不拘得失。流轉當知龍光佛時也。只恁麼來也。若講得去。與三世諸佛齊肩。彌勒爲奴。亦不小心。大丈夫漢。切莫做箇朦朦腫腫。當斷不斷。脫衫着袴。無有了期。疑上疑下。着實說空語。言裏尋巢窟。文字裏尋公安。是皆妄想。

何時得返照。迴光脫胎換骨也。我趙老師云。今時人脚跟前。脚跟後。不認點地處。即是這箇了。却迺無端。指性說空。直賺到老。只如此語。豈不脫露機鋒。然這老師。舌柔齒剛。不許人道恁麼。亦不許人說保保洒洒。亦不許說見成公案。亦不許說直指捧喝。如是豈不作家。緣爲時人。將他佛祖面目。做親識見解去。我這老師。接上等。人。惟撐肩努目。便是下梢。却饒一笑而已。予過荆南。逢一偉器。祥翁道人。自叙往者。訪謁禪林。深得其趣。詢之。迺應菴之裔也。其師瞎翁。每指云。與他相挨。厮伴。軒時。不得捨離。方有少許入作之方。又云。更須識取箇空爛。

底。觸。體。試。向。夜。靜。燈。滅。時。打。箇。蒲。團。獨。坐。密密地。体。取。只。這。語。言。瞎。翁。費。盡。老。浦。又。心。多。少。了。常。人。看。來。如。此。予。謂。瞎。翁。不。當。引。人。落。草。千。古。之。下。惹。人。提。掇。無。有。了。期。雖。然。入。作。底。事。還。要。入。作。底。人。故。其。所。出。金。剛。九。還。大。義。迺。曰。佛。示。初。中。後。三。日。分。豈。非。入。作。事。也。祥。翁。自。保。保。洒。洒。而。來。蘊。利。根。智。得。師。印。證。之。後。而。惟。獨。一。無。侶。二。六。時。中。認。主。人。翁。以。此。自。照。比。來。請。益。求。脚。跟。轉。處。一。句。乃。為。普。說。保。保。洒。洒。之。真。諦。使。祥。翁。權。以。金。剛。為。体。實。以。涅槃。為。用。淨。保。保。作。大。獅子。吼。亦。洒。洒。奮。雄。虎。氣。得。了。便。住。遇。緣。即。宗。然。懸。崖。撒。手。大。休。歇。去。豈。不。是。不妨。饒。舌。云。是。我。

普說

拄。杖。刹。竿。棒。拂。拳。喝。一。機。一。境。是。昔。佛。祖。旁。開。戶。牖。提。振。剛。宗。亦。有。天。機。亦。有。大。用。亦。有。權。亦。有。實。一。喝。不。可。作。一。喝。用。一。棒。不。可。作。一。棒。打。要。知。賓。主。交。參。前。後。除。斷。照。懸。日。月。把。定。乾。坤。在。昔。阿。難。問。摩。訶。迦。葉。世。尊。傳。金。欄。架。袋。外。別。傳。何。法。迦。葉。喚。云。阿。難。阿。難。應。諾。迦。葉。云。倒。却。門。前。刹。竿。着。此。豈。不。是。直。指。人。心。獨。露。全。体。則。

知當年世尊所傳涅槃妙心。正法眼藏。只消迦葉一句。總在裏許。雖然直截。要先識破他的處。將如之何。他底處世尊傳來。饒得微笑。迦葉傳來。饒得一喚。只此一喚。方知佛祖無可奈何。落草尋人。若不恁地。怎得那西來意。怎得箇消息底。這般提唱以來。厥後諸佛諸祖。遇因立緣。隨方設教。因便以棒拂杖行。不如一唱。省了多少計較。除非明眼人。舉頭便知。是故馬祖一唱百丈。三日耳聾。喫茶也是。受食也是。鼻孔也是。靈骨也是。即心即佛。也是。非心非佛。也是一林花。百樹子。麻三斤。紗七斤。風與月。石與泉。前聖後聖。所爲公案。一題着。總

是了。若使鈍根之器。到了。總不是也。只如釋迦老子云。以大圓覺爲我伽藍。圓覺且置。且道如何。是伽藍後來舉世以伽藍爲招提。所在僧衲所住者。尤爲可笑。却不。知伽藍本是一物。故下云。身心安居。平等性智。今之禪僧。言及平等性智。便自無處尋頭。况與他說伽藍。有般強底人。見人提平等性智。隨云。是他的心。又恁知道他。心非是心。故佛祖云。非心非師。又云。心不是佛。智不是道。佛祖慈悲。爲一切人自性不明。起立模樣。令人自保。故不得已。乃至豎拳倒拂。吐舌低頭。其以此機。至淺至近。令人易見。而一切人不肯承當。遂至騎山門向佛。歎

上放佛殿于燈籠內。且道佛殿須要供佛。如何移山門
于其上。豈不觸了燈籠內着佛殿。六似光燦燦地。又至山
河大地。須彌崑崙。有輩禪流。見此等語。渾如嚼蠟。全無
意義。總謂禪機。葛藤置而弗看。難似佛果。云上無攀仰。
不絕已躬外。不見大地山河內。不立聞見知識。直下擺
脫情識。一念不生。證本地風光。見本來面目。祖師心印。
可幸人人類悟箇箇圓成。挨拶將來了不可得。及至末
後。喝祖罵佛。走釋迦奴彌勒。凡此等皆要諸人各認自
己心。莫作他人見。誰知後來見喝也。喝見罵也。罵不知
石人向自身內說。將出來。暴露消息底意。那一等人專

事機鋒。徒爾招積口業。總迷了這箇道理。饒他聲前句
後。尋覓猜想。明來暗合也。只野狐精見解。一到如此。奚
謂五百年。縱萬劫千生。何時是了。古之人蘊大根器。若
不猛利。猶自蹉過。是以圓悟奮志。南詢長慶。坐破七箇
蒲團。雪峰三登授子。九上洞山。馬祖因悟磨磚。六祖躬
後碓舂。二祖斷臂立雪。釋迦聞半偈而捨全身。古聖先
賢。波吒到了。方討得箇生死入路。今時人也。口誦光之
言。而行桀之行。皆是笑破自己心。賺破他人心。若人人
到此田地。猛着力暗中求。不驚不疑。無退無轉。勿然相
似。脚跟後穩穩當當。綿綿密密。昭天灼地。豈不是彌勒

下生。釋迦親見到彼時節。回首觀着。一切常人皆立下
風。方知道有何難事。低一着是凡。高一着是佛了也。真
法眼問云。佛法還有本末也無。上陽子曰。自威音王已
前。佛生佛滅。綿綿歷歷。不可窮已。從過去莊嚴劫來。曼
珠室利爲七佛師。至見在賢劫。釋迦文佛告摩訶迦葉
云。吾以正法眼。藏涅槃妙心。實相無相。微妙大乘。今付
于汝。汝當護持。迦葉禮足白言。我當依勅。恭順佛故。自
爾燈燈相續。至菩提達磨受法于般若多羅。乃至中國。
而得總持道。謂道有慧可。四人乃受法焉。後將西返。謂
道副曰。汝得吾皮。謂尼總持曰。汝得吾肉。謂道育曰。汝

得吾骨。謂慧可曰。汝得吾髓。復云。如來以正法眼。藏涅槃
妙心。付大迦葉。展轉累而至于我。我今付汝。汝當護
持。慧可傳來。唐土二二。遠至慧能。遍傳天下。于是濫漫
矣。故達磨告慧可云。二百年後。法周沙界。明道者多。行
道者少。說理者多。通理者少。就中有能悟實際地了心
空法三身清靜。然後得證大乘也。密多聞越次問曰。太
乘中乘小乘。此三乘法。皆成佛否。上陽子曰。惟正法眼
是爲最上一乘。故經云。十方佛土中。惟有一乘法。無二
亦無三。除佛方便說。但以假名字。引導于衆生。吾所以
云中乘小乘。皆假名字。唯最上一乘。真空無漏。真實希

有無非以真空真心爲之極則爾豈不聞大珠和尚云。心是佛。不用將佛求佛。知心是法。不用將法求法。佛法無二。和合爲僧。是謂一体三寶。則知三寶本同一体。奚有二乘乎。妙香佛陀問曰。如來說法。今人聽法。聽法說法。有功德否。上陽子曰。如來證佛爲上根菩薩說法。以度天人。非如阿含爲小機說也。故提婆謂羅睺羅多云。本對傳法人爲說。大解脫道。蓋諸說法聽法者。本具一体三寶。方能說方能聽。一体三寶者。法身報身化身。三身是曰一体三寶者。神會大師云。說法則先佛而後法。聽法則先法而後佛。聽法則先頓中而漸。悟法則漸中

而頓。故色身善說法。則法身低頭稽首而聽法。法身善說法。則報身摩肩聳耳而聽法。報身善說法。則化身清靜無爲而聽法。然四大色身。法報化三身。俱不解說法。聽法。惟坐上有一無位真人。善說法聽法。是以義玄和尚云。虛空不解說法聽法。是汝目前。歷歷孤明。無形段者。解說法聽法。所以道心法無說。佛法無聽。多口阿師問曰。三身且置。云何是色身。云何是法身。上陽子曰。色身是幻身。亦是妄身。法身是清靜身。亦是圓滿身。亦是自在身。亦是如來身。故號爲真佛。大鑒云。色身雖大。內心量小。不名大身。法身雖小。內心量大。等虛空界。是名

大身。此即佛性。此即真心。諸修行人。把他做箇主人翁也。所以佛祖安名立樣。捧拂。焚香。燈籠。佛殿。拄杖。刹竿。千般計較。形容不到了處。是謂不可思議功德。然須用事而立名。借物而喻已。總而論之。只是箇功德法身也。法體如如。問曰。三世諸佛。還住世否。上陽子曰。過去佛。過去已。未來佛。且未至。現在佛。不得見。曰。我師還見否。曰。汝爲甚不見。曰。有形容否。曰。尋常頂禮。接引衆生。曰。我師獨見。復誰可見。曰。見者不說。曰。我還可見否。曰。汝不信佛。佛不汝見。如如低頭。曰。發心信已。若何見佛。曰。開汝一隻眼。佛即在目前。曰。過去佛神通若何。曰。覆載。

包含。曰。見在佛神通若何。曰。生育造化。曰。未來佛神通若何。曰。多寶藏將開也。曰。云何是寶藏義。曰。總歸一大藏教。曰。一大藏教云何指示。曰。普攝有情。曰。大藏亦有情乎。曰。無情若何名藏。因爾無情。強名正法眼。緣此法眼。不屬內外。不在四旁。秉生殺機。爲佛法祖。是曰正法眼藏。曰。正法已聞。若何是眼藏。曰。汝且道什麼一件物。無眼。曰。此眼藏即虛空藏否。曰。佛法一般名。不虛設。夫參學之人。莫學客語。莫學異見。須知脚跟有此寶藏。大包天地。光耀古今。形容無盡。妙用無窮。故云無盡藏。物去物來。如如不動。亘古亘今。如如不動。生死岸頭。如如不

動得大自在。如如不動。演出大藏。皆如來說。故云如來寶藏。
如意問曰。迷悟兩途。迷者多而悟者少。敢問何以。曰。昔
南陽忠國師云。衆生迷時。結性成心。猶寒則水結爲冰。
衆生悟時。釋心成性。猶燠則冰釋爲水。上陽子復喻云。
衆生迷時。猶隔水而求魚。衆生悟時。猶水涸而魚驚。自
現。是以慧海云。凡夫見性。即非凡夫。以能頓悟。上乘超
凡入聖。佛子若迷。即非佛子。以其論凡論聖。終爲下鬼。
悟人超越生死涅槃。迷人惟與說事說理。迷人今生作
來世福德。悟人目下頓見維摩。所以迷底人。修因待果。
如逆風而渡海。何有了期。悟底人。了心是佛。似月下觀。

形真偽自知。逸多尊者云。心自本來心。本心非有法。則
知本心無法。而本來心乃法身。是以迷人以清靜法身
爲五蘊色身。悟人以清靜法身爲我佛法身也。優婆夷
多問曰。自曼珠寶利而七佛法偈。皆言幻起滅空罪福。
至釋迦傳來言法。而十七祖僧迦難提以來。又言心地。
二十二祖摩拏羅以後。又皆言性。二十七祖般若多羅
與唐土二三佛。又只言華種。及漕溪別唱。天下老和尚
唯直指單提。各呈面目。千般不計。指小喻大。有如山河
大地。捧拂花草。燈籠佛殿。拄杖拳唱。似此等樣。以爲傳
度大乘。何前後之相戾也。敢問是同是列。上陽子曰。迷

人說法迷法說性迷性悟人悟空非空悟色非色故前
迦葉云即此身心是幻生幻化之中無罪福後迦葉云
何爲一法中有法有不法十八祖迦耶令多云有種有
心地因緣能發萌二十五祖溥舍斯多云我今悟真性
無道亦無理東土二祖云本來緣有地因地種華生此
祖祖燈燈惟在明心而已自風旛論後各立宗門別出
模樣直到于今豈離心之外而別有大乘者乎離大乘
之外而別有佛法者乎大傳送問曰天生有形死而魂
散有形則有性魂散則性泯理之常也此形住而性存
猶花之有香此身遊而魂去猶葉之墜地雖然人爲萬

物之靈到此則有性也無上善陽子曰造化之內無明殼
子爲卵生煩惱包裏爲胎生受水浸潤爲濕生燄起煩
惱爲化生四生之中各從其類狐兔不能產鳳明也爲
人之靈者本性而已性之于人猶煙焰之于火泡漚之
于水形存之性猶火之飛焰魂散之性猶漚之歸水此
一切人失其真性流浪輪迴萬死萬生迷迷相指皆謂
如是道人之性則不然超乎造化之外生以不生死以
不死亦如真性而已守此性如防盜焉敬此性如供佛
焉愛此性如護寶焉是故法此性即佛法性佛此性即
名佛性若見此性即超佛地豈千生萬死之義乎十四

祖龍樹云。佛性非大非小。非廣非狹。無福無報。不死不生。所以悟我性無生。死見我性無地。嶽脩我性超乎造化之外也。

金丹正理大全金丹大要越格卷第九終

金丹正理大全金丹大要超宗卷第十

見性成道

上陽子曰。威音王已前。這一段公案。不在左右。不在偏傍。不在中。不在外。當其時也。既無師匠。又無宗旨。七佛俱未出世。彌勒尚未下生。此一大事。出模走樣。照天樂地。哆哆和和之後。佛已在此。人人具足。箇箇分明了也。爾來到今。而一切世人。將自己的撇了。尋問他人。且道他家底事。豈容你知。猶你家下之事。容他知否。所賴先哲慈悲開示。祖祖單提。達磨大師直指人心。見性成佛。則太過了。豈惟後人。愈行愈遠。總將日用現前。一切不

問却乃千思萬想。向那邊覓而欲見性成佛。此輩可深
惜乎。豈比天人師。明星出時成佛了也。弟子再拜稽顙
問曰。傳云。釋迦生下。周行七步。一手指天。一手指地。曰。
天上地下。惟我獨尊。若是則世尊生而知之者也。上陽
子西之曰。非也。曰。敢問所以。曰。釋迦文佛師瞿曇。乃得金
丹之道。修之而證佛也。以其修金丹而成仙。故曰金仙。
蓋金丹者。二八兩弦之炁也。二八合成一十六兩。故曰
丈六金身。世豈有天生自然之釋迦者乎。曰。惟我獨尊。
後從何來。曰。此佛法之謂也。曰。敢問所以。曰。後之佛祖。
將此語題以為公案。因謂之佛法。使後之學人。蘊利根。

知見者。以此公案常提。常拈。照破自己。脚跟踏實。而明心
焉。而見性焉。轉相悟入。因之仍之。佛祖既出。各呈面目。
形容。蓋多語殊意合。是以非理可釋。思意不得。或以小
而喻大。或以賤而比貴。不涉程途。難堪訓誨。六根器識。
一見了然明白。更不驚疑。直下承當。有何言句。下士愚
人。思故不能得。擬議又不是。只得妄云。此乃高藤之語
也。若有問其如何。謂之葛藤。則謬云。即禪機也。如此宛
轉支離。却不究竟佛法實事。所謂葛藤禪機之語者。乃
齒外之浮辭。而為佛法之喻也。唯大智慧底。則去口頭
之虛論。而見其佛法之真實也。下愚之人。誑談鋒辯。至

有公案。非理可釋去處。則云禪機也。彼以禪機為辭之屬我。如百尺竿頭不復可進。又安知有佛法哉。弟子進曰。佛法者。世尊以靈驗而示人乎。抑以天龍護衛之神而見之乎。曰。皆非也。此乃常人所談之佛法也。今夫生死禍福。影響靈驗。凶冥報對。浮辭彰虛。示于人者。此之謂常人之佛法也。若真實佛法。唯靈于已。倏忽廣大。變通須臾而復自在。乃能過人之過。而亦自知其過。此為真實佛法也。蓋真實佛法。聖凡不敢一窺。况可以示人乎。若真實佛法。則諸天捧花無路。外魔潛視不得。况云天龍見之乎。曰。如此佛法之大。唯世尊能有也。曰。世

尊已有佛法。唯人有佛法。曰。人之佛法。復在何處。曰。掛向大虛壁。立萬仞。視之不見。聽之不聞。曰。有靈驗否。曰。顯大神通。塞大法雨。撐天拄地。作佛成仙。古今專生殺之權。頃刻有感通之變。是十翼曰。寂然不動。感而遂通。故鬼神不敢視。邪怪不能憑。所以破竈墮。曰。本是泥土合成。靈從何來。聖從何起。諦觀此語。豈非大靈驗乎。曰。何者。是人之佛法。曰。人以性為佛法。曰。既以性為佛法。則諸佛祖一切常人。皆以見性而成佛。是不必于金丹之道也。曰。否。曰。何謂也。曰。一切常人。且不知性為何物。而暇言金丹之道乎。曰。一切常人。唯不知性。而諸佛

祖是見性而成佛。曰否。曰請聞其義。曰子不知夫達磨之說乎。昔者達磨西來。不立文字。唯直指人心。見性成佛。因有其道也。蓋道之一事。不可得而形容思議者也。如之何。可以立文字。且人心不可得而聞見者也。如之何。用直指人之性。即真佛者也。如之何。得見而成乎。此即老子觀妙之道也。是以達磨下功于長芦。隱于少林。修煉是云金丹之旨。即達磨直指之旨。即釋迦獨尊之旨。即迦葉正法眼藏。涅槃妙心之旨。即馬祖非心非佛。非物之旨。即六祖共永嘉無生無速之旨。即龐居士悟。一口吸盡西江水之旨。即樂山一物不為顯之旨。即丹

霞燒木佛之旨。即石鞏弓箭之旨。即趙州蘿蔔栢樹子。喫茶之旨。即滎宗先天為心祖之旨。以至山河大地。拄杖刹竿。棒喝露柱。灯笼佛殿。山門庫堂。金剛王寶劍。洞山麻三斤。石霜百尺竿頭。俱胝指頭。禪黃龍赤斑蛇。烏窠吹布毛。法灯天真佛法。眼透声色。思和尚米價。尊布衲浴佛僧。美神造車。掌上座搖扇。雪峯轉。雲門胡餅。鹽官扇子。青平搬土。瀉山水牯。禾山打鼓。祕魔持叉。香巖擊竹。首山竹篋。仰山拂子。以至頂門拳肘。眉眼鼻尖。米粟絲毫。釘鞋木履。清風明月。曉鐘畫角。芥子須彌。圓蓬漆桶。銀山鐵壁。葛藤寒松。黃花翠竹。枯椿乾橛。古澗

寒泉源頭路口。翅鳥獅兒。大雄猛虎。牛車羊角。狗子猫兒。胡孫鼯鼠。此等公案。徭難悉數。莫不皆是見性之旨也。上陽子復謂弟子曰。從上祖師做摸打樣。百般遷就。托物立名。為一切人指箇真實佛性之處。然其各隨方便。而說謂之。心方結緣。而一切人不到性。地反為多事。如引過河之網。未提其綱。若牽織金之花。不編其綜。吾今分明指出了也。似風雲雷雨。驀然黑暗。須臾散去。紅日當空。誰不見了。恐你諸人。以光明之眼。如翳障了。以智慧之性。為塵撲之。一向弄舌頭。不顧損神氣。是又不知是修。又不知修。如此蹉過。走破腳跟。下皮肉。賺到老來。

可惜了也。比來說禪者。明立高座。聚眾問答。口頭活弄。性地迷蒙。橫以辯論。敏捷為能。所以多記公案。為明了人。示以一指。隨以二指。應或而向下。他即擬上。或云眼前。即疑背後。或轉脚跟。他便走了。似此捏偽。那知真實。此為設辭。應敵。豈能見性。明心如與聾人覓物相似。與之索蛤。聾耳迺掬水。指令下鞍。聾反勒馬。指向脚下。聾便拾芥。雖云近傍。不遠孰知。所差大多。此乃聾人悟聽。強猜者。今一切人。本皆聰識。見物如蔽。若彼聾人強猜。妄臆其中。以語為悟。能有幾人。不勉丹為諸人。各各見箇本來面目。這回莫只又做箇朦朧底人也。園悟云。父母未

生以前淨。保保赤洒洒。不立一絲毫。及乎既生之後。亦淨保保。赤洒洒地。不立一絲毫。佛祖慈悲。與言至此。欲為世人作箇指蹤。極則而一切人既聞此語。便以保保洒洒為伶俐快活者。却不知保保洒洒。即本來面目也。即是性也。且道既生之後。保保洒洒。不立一絲毫。錢根錯想。而不明了。亦無足怪。何以故此。蓋常人而紐于常也。且道云何。父母未生以前。亦云保保洒洒。不立絲毫。此言特殺過則了。利根之士。即於見前早辦。一箇入頭之處。安有不明了哉。吾之說此者。非但為汝諸人提拈起。亦使叢林禪僧。天下一切人。誦此金丹大要。究竟起

曰釋義。如懸夾鏡相似。人立其中。若頂若足。若背若面。不必求人。豈不自見。如今多少住禪刹者。不知禪是何物。領率二三百人。或至千百餘眾。惟只頑坐。禪杖夜巡。渴睡者辱之。日則限以規程。何暇見性。夜則勞神廢寢。安知真佛。此謂一盲引衆盲也。豈不聞大慧云。一種杜撰漢。脚跟下不實。只管教人攝心靜坐。坐教絕氣。真可憐憫。六祖又云。長坐拘身。是病非禪。石霜諸禪師。堂盈千眾。長坐如杌。識者呼為衆木。極多。三藏師于漕溪。大鑿一日。見僧結庵而坐。藏即前喚之。曰我西域最下根者。不墮此見。馬祖南嶽住庵。日惟坐禪。以求成佛。讓禪

師故將磚于庵前磨。祖云何爲。曰磨磚作鏡。祖云磨磚豈能成鏡。讓曰然坐禪豈能成佛。馬祖頓悟言下得旨。音玄妙妙。因共雪峯論佛法。峯云世界闊一丈。妙指火爐云闊多少。峯云如右。鏡闊妙云老和尚脚跟未點地。在從那到。今有輩禪流。因名行脚。搥唇識解。不知落處。走遍叢林。踏破了草鞋。不肯認他脚跟。如之何。是點地處。佛祖云大慈大悲。指出禪名。使人覺悟。如東禪。西禪。南禪。北禪。圓通禪。廣佛禪。圓覺禪。騎佛禪。無位禪。如來禪。祖師禪。大方禪。城市禪。脚跟禪。龍女禪。蚌殼禪。老婁禪。新婦子禪。一味禪。指頭皮可。陋子禪。口鼓子禪。琉璃瓶

子禪。千名百樣。惟要世人早自見性。今世衲僧。以順寂入涅槃爲終世過化之獎辭。是爲明眼人所嗤。寧不惶愧。彼安得知涅槃之際。是衲僧脚跟下求向上之事也。又稱僧名。唯求下字。何乃諱上而不諱下者乎。內不認佛祖。欲人見性。以下爲體。人却不知性。是身中之物。迺以惟爲見解。智識猶認靈臺。以爲心地。不悟靈臺即是性也。世人孰肯若良遂者哉。良遂再見麻谷。眼下一見性。瞞他不得。出謂衆曰。諸人知處。良遂總知。良遂知處。諸人不知。爲他諸人或出。或入。向六根門頭。做盡顛倒。良遂故云。總知而良遂之所知者。乃真佛也。諸人惟識得

真佛所以云良遂知處。諸人不知也。今爾諸人還知得否。時諸弟子罔知所措。上陽子曰。甚矣性之易見也。信矣人之難悟也。汝來且道性命是汝自家底。吾已擊破面皮爲汝說了。汝尚不知性爲何物。命爲何事。若不就汝心上體認去。却只今語言文字裏話會。待將你舌頭。煮了。爲甚干涉。吾又再四與爾呈露。無一肯認。若待掀倒禪床。則敗闕了。今復與汝討條活路。做箇了也。夫此一事。不過是箇有爲法也。豈有神人商客。以有爲之法。欲授老子。乃先示以柔弱之道。遂因吐舌。老子即悟曰。舌柔齒剛。此是有爲之法也。天有爲之法者。須知甘露。

之門。掣電之機。故世尊云。如夢幻泡影。如露亦如電。謂之有爲法也。而一切人間。甘露之說。則謂露電是天上落來底。夢則以爲睡中所見。幻則以爲化凡易脫。泡則以爲水上浮漚影。則以爲因相而出。皆非者也。凡此皆是妄猜謬要。不向分內以求真實也。世尊是大聖人。豈肯空言閑語。無益者哉。所說此指實事。令人各自見性。其用意處。言近指遠。以大喻小。上士聞之。一言千悟。一切常人任佛說到下梢。反以爲禪機之語言也。爾時衆中忽一弟子。若脫了桶子底相似。豁然大悟。眼下見性。驚喜過望。即前伏地稽首而言。謝師慈憫。開我愚。

迷指以非佛之說。而說非法之法。弟子萬劫千生。遭逢如是。群疑妄想。一切釋然。猶暗燃炬。內外洞明。又如傍水觀影。上下俱見。真實而希有也。上陽子知其根器不淺。乃曰。來。汝所悟者。是汝性也。汝性非性。汝心非心。心即是心。性即是性。性非汝心。心非汝性。汝試為我言。汝實性。應時答言。弟子鄙見性。即云。性。心。即云。心。無所。心。性。無所。性。性。亦非心。心。亦非性。性。非心。心。非性。性。無。有心。心。無有性。性。本無心。心。本無性。性。則言性。心。則言心。心。若有性。即非佛心。性。若有心。是明佛性。佛性。我性。是真實性。我心。佛心。是妄想心。心。若妄想。即不見佛性。

若真實。即是真佛。更乞我師慈悲。開顯真實妙義。上陽子曰。汝于佛法。唯只八成。吾今告汝。兩下圓滿。名何云。心有肉團心。有虛空心。此虛空心。是名何心。是金剛心。是涅槃心。彼肉團心。復名何心。是妄想心。是煩惱心。是世人思慮。總皆執着。以執着故。是名障礙心。有障礙。因緣不來。因此無緣。輪迴生死。若金剛心。若涅槃心。是虛空心。此虛空。即智慧心。即真實心。上士一聞。發大智慧。勇猛精進。是云真佛。此真佛心。是堅固心。是成就心。是圓滿心。是真佛心。是真人心。此一切心。歷劫不壞。彼一切心。爭愛貪着。見色迷戀。聞心驚怖。是非分別。無有窮。

已此一切心。凡所見聞。如如不動。霹靂大震。如如不動。况彼聲色。豈能動搖。生死岸頭。如如不動。况彼水火。豈能焚漂。如金剛劍。有大精進。如百尺竿。直而不屈。盡世甲兵。無能摧折。此精進心。有大勇猛。諸天及人。見此精進。歡喜無量。假此精進。成佛作祖。云何名佛。是虛空心。云何虛空。而名真佛。此虛空心。懸崖壁立。智慧精進。倏尔變通。因尔虛空。前無所進。後無所退。執着不得。思議不及。是云真佛。亦云法身。緣此法身。任虛空中。得大解脫。得大自在。遍十方界。廣大神通。故云。南無十方虛空。常住三寶。離此三寶。無法身。離此法身。即不明了。此法

身外。更覓何心。更覓何性。若有所覓。即不見性。為不見性。肉團心起。六賊頻擾。世以此故。猶夢中夢。無有了期。唯覺是了。真佛之心。常如夢覺。智慧靈明。無有顛倒。大修行人。以此為悟。悟無不了。悟即進修。若大智慧心。即云佛。若大悟了。佛即云心。若大解脫。非心非佛。若大因緣。即心即佛。此心即性。此性即佛。性佛不離。佛性明了。上陽子曰。性由自悟。命待師傳。演禪師云。悟了。洎是遇人悟了。若不遇人。十箇月有五雙柱。誤子不聞。盧惠誌者。乎能是新州樵夫。年已半百。聞客誦經。頓見佛性。致母出鄉。遠叩黃梅。五祖絕見。數語接機。便役春確。經八

箇月。因聞香偈。始露錐鋒。大滿授之衣鉢。佛法能得指
歸。又無法財。乃得神會之貴。又得劉志畧為之外護。遂
隱于四會縣獵人之中。而下功焉。性命雙修。以土制鉛。
以鉛制汞。汞歸金鼎。却入深山。兀坐修養。道成之後。潛
抵番禺。吐風播之語。以顯神通。為大宗師。是與達磨出
處同風。弟子問曰。黃梅數百餘人。其中豈無一人可授
佛法。何迺直待惠能至而授之。五祖迺若是乎。曰。五祖
何幸。早得人傳。若說是事。豈唯數百人中而無一人。昔
者世尊靈山會上。五千退席。且無一人。尔道方今之時。
四海之廣。其真得佛法者。復有幾人焉。是之謂希有者。

也。弟子思之。再拜伏諾。上阻四子曰。今時修行的人。安知
得傳之後。無量難苦。方能就事。其所云苦與世不同。彼
所謂樂。此以為懼。此以為沮。彼反為失。若人于此下箇
注脚。是敢保他有着落處。是謂神炁二用。性命雙修者
也。若只見性。惟是則大鑿。何必走黃梅。永嘉何因走漕
溪。乎是以我師起真人曰。坐禪入定。是一件。在得牟尼之
珠。聖胎已成之後。謂之抱一守和。知白守黑也。謂之面
壁端坐。修禪入定也。謂之煉形化炁也。煉炁歸神也。是
名形神出胎。親為佛子。已上事也。故本行集經云。頓悟
大乘正宗。漸入虛無。妙道乘之道。即金丹之道也。所

以達磨有云見此東土亦如神州有太乘氣象成佛無
疑是載巨舟實以衆寶三周寒暑來求太乘之道是以
達磨始則見性得法而來終則得丹成佛而西歸是之
謂直指人心見性成佛者也時諸弟子皆得解悟拜
而退信受奉行。

金丹正理大全金丹大要超宗卷第十 終

